

摘藻堂四庫全書薈要

集部

欽定四庫全書薈要

集部

御定全唐詩卷七百八

九

欽定四庫全書薈要卷一萬八千一百十三

集部

御定全唐詩卷七百八

徐黃

徐黃字昭夢莆田人登乾寧進士第授秘書省正字依
王審知禮待簡畧遂拂衣去歸隱延壽溪著有探龍釣
磯二集編詩四卷

釣臺

金門誰奉詔碧岸獨垂釣舊友祇樵叟新交惟野鷗嘉

名懸日月深谷化陵丘便可招巢父長川好飲牛

旅次寓題

胡為名利役來往老關河白髮隨梳少青山入夢多途
窮憐抱疾世亂恥登科却起漁舟念春風釣綠波

贈嚴司直

承家居闕下避世出關東有酒劉伶醉無兒伯道窮新
詩吟閣賞舊業釣臺空雨雪還相訪心懷與我同

贈東方道士

葫蘆窗畔挂是物在其間雪色老人鬢桃花童子顏祭
星秋卜日採藥曉登山舊放長生鹿時銜瑞草還

題僧壁

香厨流瀑布獨院鑱孤峯紺髮青螺長文茵紫豹重卵
枯皆化燕蜜老却成蜂明月留人宿秋聲夜著松
和人經隋唐間戰處

孤軍前度戰一敗一成功卷旆早歸國卧屍猶臂弓草
間腥半在沙上血殘紅傷魄何為者五湖垂釣翁

追和常建嘆王昭君

紅顏如朔雪日燦忽成空
淚盡黃雲雨塵消白草風
君心爭不悔恨思竟何窮
願化南飛燕年年入漢宮

贈董先生

壽歲過於百時間到上京
餐松雙鬢嫩絕粒四支輕
雨雪思中嶽雲霞夢赤城
來年期壽錄何處待先生

河流

洪流盤砥柱淮濟不同波
莫訝清時少都緣曲處多
遠

能通玉塞高復接銀河大禹成門嶮爲龍始得過

題南寺

久別猿啼寺流年剗逝波舊僧歸塔盡古瓦長松多壁
蘚昏題記窗螢散薜蘿平生英壯節何故旋消磨

北山秋晚

十載衣裘盡臨寒隱薜蘿心閒緣事少身老愛山多玉
露催收菊金風促翦禾燕秦正戎馬林下好婆娑

昔遊

昔遊紅杏苑今隱刺桐村歲計懸僧債科名負國恩不
書牋漸穩頻鑷鬢無根惟有經邦事年年志尚存

酒胡子

紅筵絲竹合用爾作歡娛直指寧偏黨無私絕覬當
歌誰擲袖應節漸輕軀恰與真相似氍毹滿領鬚

弔崔補闕

近來吾道少慟哭博陵君直節岩前竹孤魂嶺上雲縉
紳傳確論丞相取遺文廢却中興策何由免用軍

弔赤水李先生

三年悲過隙一室類銷冰
妻病入仙觀子窮隨嶽僧
荒丘寒有雨古屋夜無燈
往日清猷著金門幾欲徵

香鴨

不假陶鎔妙誰教羽翼全
五金池畔質百和口中煙
紫鈍魚難啄心空火自燃
御爐如有闕須進聖君前

雞

名參十二屬花入羽毛
深守信催朝日能鳴送曉陰
峨

冠裝瑞壁利爪削黃金徒有稻梁感何由報德音

白鴿

舉翼凌空碧依人到大邦粉翎棲畫閣雪影拂瓊窗振
鷺堪為侶鳴鳩好作雙狎鷗歸未得覩爾憶晴江

龜

行止竟何從深溪與古峰青荷巢瑞質綠水返靈蹤鑽
骨神明應酬恩感激重仙翁求一卦何日脫龍鍾

銀結條冠子

日下徵良匠宮中贈阿嬌瑞蓮開二孕

一作朶

瓊縷織千

條蟬翼輕輕結花紋細細挑舞時紅袖舉纖影透龍綃

蜀葵

劍門南面樹移向會仙亭錦水饒花豔岷山帶葉青
文君慚婉婉神女讓娉婷爛漫紅兼紫飄香入繡局

華清宮

十二瓊樓鏤翠微暮霞遺却六銖衣桐枯丹穴鳳何去
天在鼎湖龍不歸簾影罷添新翡翠露華猶濕舊珠璣

君王魂斷驪山路且向蓬瀛伴貴妃

再幸華清宮

腸斷將軍改葬歸錦囊香在憶當時年來却恨相思樹
春至不生連理枝雪女塚頭瑤草合貴妃池裏玉蓮衰
霓裳舊曲飛霜殿夢破魂驚絕後期

喜雨上主人尚書

天皇攘袂勅神龍雨我公田兆歲豐幾日淋漓侵暮角
數宵滂沛徹晨鍾細如春霧籠平野猛似秋風擊古松

門下十年耕稼者坐來偏憶翠微峰

迴文詩二首

飛書一幅錦文迴恨寫深情寄雁來機上月殘香閣掩
樹梢煙澹綠窗開霏霏雨罷歌終曲漠漠雲深酒滿杯
歸日幾人行問卜徽音想望倚高臺

輕帆數點千峰碧水接雲山四望遙晴日海霞紅靄靄
曉天江樹綠迢迢清波石眼泉當檻小逕松門寺對橋
明月釣舟漁浦遠傾山雪浪暗隨潮

不把漁竿

不把漁竿不灌園
策筇吟遶綠蕪村
得爭野老眠雲樂
倍感閩王與善恩
鳥趂竹風穿靜戶
魚吹煙浪噴晴軒
何人買我安貧趣
百萬黃金未可論

古往今來

古往今來恨莫窮
不如沈醉卧春風
雀兒無角長穿屋
鸚鵡能言却入籠
柳惠豈嫌居下位
朱雲直去指三公
閒思郭令長安宅
草沒匡牆舊事空

十里煙籠

十里煙籠一徑分
故人迢遞久離羣
白雲明月皆由我
碧水青山忽贈君
浮世宦名渾似夢
半生勤苦謾為文
北邙坡上青松下
盡是鏘金佩玉墳

偶書

巧者多為拙者資
良籌第一在乘時
市門逐利終身飽
谷口躬耕盡日飢
瓊玖鬻來燕石貴
蓬蒿芳處楚蘭衰
高皇冷笑重瞳客
蓋世拔山何所為

潤屋

潤屋豐家莫妄求眼看多是與身讐
百禽羅得皆黃口四皓山居始白頭
玉爍火光爭肯變草芳崎岸不曾秋
朱門粉署何由到空寄新詩謝列侯

退居

鶴性松心合在山五侯門館怯趨攀
三年卧病不能免一日受恩方得還
明月送人沿驛路白雲隨馬入柴關
笑他范蠡貪林甚相罷金多始退閒

閉門

閉却閒門卧小窗

一作竹房

更何人與療膏肓一生有酒唯

知醉四大無根可預量骨冷欲針先覺痛肉頑頻灸不成瘡漳濱伏枕文園渴盜跖縱橫似虎狼

開窗

閉戶開窗寢又興三更時節也如水長閒便是忘機者
不出真如過夏僧環堵豈慚蝸作舍布衣寧假鶴爲翎
薔薇花盡薰風起綠葉空隨滿架藤

燈花

點蠟燒銀却勝栽九華紅豔吐玫瑰獨含冬夜寒光拆
不傍春風暖處開難見只因能送喜莫挑唯恐墮成灰
貪膏附熱多相誤爲報飛蛾罷拂來

東歸出城留別知己

韋一作常

蒙屈指許非才三載長安共酒杯欲別未攀楊

柳贈相留擬待牡丹開寒隨御水波光散暖逐衡陽雁
影來他日因書問袁颯東溪須訪子陵臺

詠懷

愁花變出白髭鬚
半世辛勤一事無
道在或期君夢想
貧來爭柰鬼椰榆
馬卿自愧長嬰疾
顏子誰憐不是愚
借取秦宮臺上鏡
爲時開照漢妖狐

郊村獨遊

歲閏堪憐歷候遲
出門惟與野雲期
驚魚擲上綠荷菱
棲鳥啄餘紅荔枝
末路可能長薄命
修途應合有良時
市頭相者休相戲
感滕先生半自知

經故

一作過

翰林楊左丞池亭

八角紅亭陰綠池一朝青草蓋遺基
薔薇藤老開花淺翡翠巢空落羽奇
春榜幾深門下客樂章多取集中詩
平生德義人間誦身後何勞更立碑

經故

一作過

廣平員外舊宅

門巷蕭條引涕洟遺孤三歲著麻衣
綠楊樹老垂絲短翠竹林荒著筍稀
結社僧因秋朔弔買書船近葬時歸
平生欲獻匡君策抱病猶言未息機

潘丞相舊宅

綠樹垂枝蔭四鄰
春風還似舊時春
年年燕是雕梁主
處處花隨落月塵
七貴竟為長逝客
五侯尋作不歸人
秋槐影薄蟬聲盡
休謂龍門待化鱗

門外閒田數畝長
有泉源因築直堤分
爲兩沼左右澄漪小
檻前直堤高築古平川
十分春水雙簷影
一片秋空兩月懸
前岸好山搖細浪
夾門嘉樹合晴煙
坐來暗起江湖思
速問溪翁買釣船

北園

北園乾葉旋空枝
蘭蕙還將衆草衰
籠鳥上天猶有待
病龍興雨豈無期
身閒不厭頻來客
年老偏憐最小兒
生事罷求名與利
一窗書策是年支

溪上要一隻白簞扇
蓋頭垂釣去年就
節推侍御請之
蒙惠一柄紫花紋者
雖則鱗華具甚

一作

在紕薄不及清源所出
因就南郡陳常侍請之

遂成拙句

難求珍簋過炎天遠就金貂乞月圓
直在引風欹角枕
且圖遮日上漁船
但令織取無花簞
不用挑爲飲露蟬
莫道如今時較晚
也應留得到明年

招隱

齒髮那能敵歲華
早知休去避塵沙
鬼神只闕高明里
倚伏不干棲隱家
陶景豈全輕組綬
留侯非獨愛煙霞
贈君吉語堪銘座
看取朝開暮落花

憶山中友人

憶得當年接善鄰，苦將閒事強夫君。
鬪開碧沼分明月，各領青山占白雲。
近日藥方多繕寫，舊來詩草半燒焚。
金門幾欲言西上，惆悵關河正用軍。

溪隱

將名將利已無緣，深隱清溪擬學仙。
絕却腥羶勝服藥，斷除枯酒合延年。
蝸牛殼漏一作滿寧同舍榆莢，
花開不是錢鸞鶴。久從籠檻閉春風，
却放紙為鳶。

酒醒

酒醒欲得適閒情，騎馬那勝策杖行。
天暖天寒三月暮，溪南溪北兩村川。
一作名沙澄淺水，魚知釣花落平田。
鶴見耕望斷長安故，交遠來書未說九河清。

夢斷

夢斷紗窗半夜雷，別君花落又花開。
漁陽路遠書難寄，衡嶽山高月不來。
玄燕有情穿繡戶，靈龜無應祝金杯。
人生若得長相對，螢火生煙草化灰。

人事

人事飄如一炷煙且須求佛與求仙豐年甲子春無雨
良夜庚申夏足眠顏氏豈嫌瓢裏飲孟光非取鏡中妍
平生生計何為者三逕蒼苔十畝田

休說

休說人間有陸沈一樽閒待月明斟時來不怕滄溟濶
道大却憂潢潦深白首釣魚應是分青雲干祿已無心
梓桐賦罷相如隱誰爲君前永夜吟

嘉運

嘉運良時兩阻修，釣竿簑笠樂林丘。
家無寸帛渾閒事，身似浮雲且自繇。
庭際鳥啼花落潭心月，在水空流
晨炊一箸紅銀粒，憶著長安索米秋。

綠鬢

綠鬢先生自出林，孟光同樂野雲深。
躬耕為食古人操，非織不衣賢者心。
眼衆豈能分瑞璧，舌多須信爍良金。
君看黃閣南遷客，一過龍州絕好音。

驕侈

驕侈貼危儉素牢鏡中形影豈能逃石家恃富身還滅
顏子非貧道不遭蝙蝠亦能知日月鸞鳳那肯啄腥臊
古今人事惟堪醉好脫驢裘換綠醪

龍螯二首

龍螯蛇蟠却待伸和光何惜且同塵伍員豈是吹簫者
冀缺非同執耒人神劍燭星當變化良金成器在陶鈞
穰侯休忌關東客張祿先生竟相秦

休說雄才間代生到頭難與運相爭時通有詔徵枚乘

世亂無人薦禰衡
逐日莫矜駑馬步
司晨誰要牝雞鳴
中林且作煙霞侶
塵滿關河未可行

逐臭蒼蠅

逐臭蒼蠅豈有爲
清蟬吟露最高奇
多藏苟得何名富
飽食嗟來未勝飢
窮寂不妨延壽考
貪狂總待算毫釐
首陽山翠千年在
好奠冰壺弔伯夷

牡丹花二首

看徧花無勝此花
翦雲披雪蘸丹砂
開當青律二三月

破却長安千萬家天縱穠華剗鄙吝春教妖豔毒

一作妬

豪奢不隨寒令同時放倍種雙松與辟邪

萬萬花中第一流淺霞輕染嫩銀甌能狂綺陌千金子
也惑朱門萬戶侯朝日照開攜酒看暮風吹落遶欄收
詩書滿架塵埃撲盡日無人畧舉頭

尚書座上賦牡丹花得輕字韻

一本無韻字

其花自

越中移植

流蘇凝作瑞華精仙閣開時麗日晴霜月冷銷銀燭焰

寶甌圓印綵雲英嬌含嫩臉春妝薄紅蘸香綃豔色輕
早晚有人天上去寄他將贈董雙成

依韻和尚書再贈牡丹花

爛銀基地薄紅妝羞殺千花百卉芳紫陌昔曾遊寺看
朱門今在遶欄望龍分夜雨資嬌態天與春風發好香
多著黃金何處買輕橈挑過鏡湖光

郡庭

一作伯

惜牡丹

腸斷東風落牡丹爲祥爲瑞久留難青春不駐堪垂淚

紅豔已空猶倚欄，積蘚下銷香藥盡晴陽。高照露華乾，
明年萬葉千枝長，倍發芳菲借客看。

追和白舍人詠白牡丹

蓓蕾抽開素練囊，琉璃葩薰出白龍香。裁分楚女朝雲片，
翦破姮娥夜月光。雪句豈須徵柳絮，粉腮應恨帖梅妝。
檻邊幾笑東籬菊，冷折金風待降霜。

憶牡丹

綠樹多和雪霰栽，長安一別十年來。王侯買得價偏重，

桃李落殘花始開
宋玉鄰邊腮正嫩
文君機上錦初裁
滄洲春暮空腸斷
一作盡看猶將勸酒杯

惜牡丹

今日狂風揭錦筵
預愁吹落夕陽天
閒看紅豔只須醉
謾惜黃金豈是賢
南國好偷誇粉黛
漢宮宜摘贈神仙
良時雖作鶯花主
白馬王孫恰少年

覽柳渾汀洲採白蘋之什因成一章

採盡汀蘋恨別離
鴛鴦鴛鴦總雙飛
月明南浦夢初斷

花落洞庭人未歸
天遠有書隨驛使
夜長無燭照寒機
年來泣淚知多少
重疊成痕在繡衣

司直巡官無諸移到玫瑰花

芳菲移自越王臺
最似薔薇好並栽
穠豔盡憐勝綵繪
嘉名誰贈作玫瑰
春藏錦繡風吹拆
天染瓊瑤日照開
爲報朱衣早邀客
莫教零落委蒼苔

梅花

瓊瑤初綻嶺頭葩
藥粉新妝姹女家
舉世更誰憐潔白

癡心皆盡愛繁華
玄冥借與三冬景
謝氏輸他六出花
結實和羹知有日
肯隨羌笛落天涯

荔枝二首

朱彈星丸粲日光
綠瓊枝散小香
囊龍綃縠綻紅紋
粟魚目珠涵白膜
漿梅熟已過南嶺
雨橘酸空待洞庭
霜蠻山蹋曉和煙
摘拜捧金盤奉越王

日日薰風卷瘴煙
南園珍菓荔枝先
靈鴉啄破瓊津滴
寶器盛來蚌腹圓
錦里只聞銷醉客
藥宮惟合贈神仙

何人刺出猩猩血深染羅紋遍殼鮮

菊花

桓景登高事可尋黃花開處綠畦深
消災辟惡君須採
冷露寒霜我自禁
籬物一作謹早榮還早謝
澗松同德復

同心陶公豈是居貧者
剩有東籬萬朶金

畫松

澗底陰森驗筆精
筆間開展覺神清
曾當月照還無影
若許風吹合有聲
枝偃只應玄鶴識
根深且與茯苓生

天台道士頻來見說似株株倚赤城

草木

草木無情亦可嗟重開明鏡照無涯
菊英空折羅含宅榆莢不生原憲家
天命豈憑醫藥石世途還要辟蟲沙
仙翁乞取金盤露洗却蒼蒼兩鬢華

松

澗底青松不染塵未逢良匠競誰分
龍盤勁節岩前見鶴唳翠梢天上聞
大廈可營誰擇木女蘿相附欲凌雲

皇王自有增封日修竹徒勞號此君

竹

翠染琅玕粉漸開東南移得會稽栽游絲挂處漁竿去
綠水夾時龍影來風觸有聲含六律露沾如洗絕浮埃
王猷舊宅無人到抱却清陰蓋綠苔

尚書打毬小驄步驟最奇因有所

一本無有贈
所二字

善價千金未可論燕王新寄小龍孫
逐將白日馳青漢
銜得流星入畫門
步驟最能隨手轉
性靈多恐會人言

桃花雪點多雖貴全假當場一顧恩

尚書惠蠟面茶

武夷春暖月初圓採摘新芽獻地仙
飛鵲印成香蠟片啼猿溪走木蘭船
金槽和碾沈香末冰碗輕涵翠縷煙
分贈恩深知最異晚鐺宜煮北山泉

勸酒

休向尊前慙羽觥百壺清酌與君傾
身同綠樹年年老事比紅塵日日生
六國英雄徒反覆九原松柏甚分明

醉鄉路與乾坤隔，豈信人間有利名。

斷酒

因論沈湎覺前非，便碎金罍與羽卮。
採茗早馳三蜀使，看花甘負五侯期。
窗間近火劉伶傳，坐右新銘管仲辭。
此事十年前已說，匡廬山下老僧知。

憶舊山

澗竹岩雲有舊期，二年頻長鬢邊絲。
遊魚不愛金梧水，棲鳥敢求瓊樹枝。
陶景戀深松檜影，留侯拋却帝王師。

龍爭虎攫皆閒事
數疊山光在夢思

御定全唐詩卷七百八

欽定四庫全書薈要卷一萬八千一百十四

集部

御定全唐詩卷七百九

徐夔

西華

五千仞有餘神秀一一排雲上
沈瀟疊嶂出關分二陝
殘岡過水作中條巨靈廟破生春草
毛女峰高入絳霄
拜祝金天乞陰德爲民求主降神堯

嵐似屏風

嵐似屏風草似茵
草邊時瞻錦花鱗
山中宰相陶弘景
谷口耕夫鄭子真
宦達到頭思野逸
才多未必笑清貧
君看東洛平泉宅
只有年年百卉春

憶潼關

洞壑雙扉入到初
似從深窅覩高墟
天開白日臨軍國
山夾黃河護帝居
隋煬遠遊宜不反
奉春長策竟何如
須知皇漢能局鑄
延得年過四百餘

憶潼關早行

行客起看仙掌月落星斜照濁河泥故山遠處高飛雁
去馬鳴時先早雞關柳不知誰氏種岳碑猶見聖君題
葛藟十軸僮三尺豈謂青雲便有梯

鴻門

舊本作
失題

耨月耕煙水國春薄徒應笑作農人皇王尚法三推禮
白社寧忘四體勤雨灑蓑衣芳草暗烏啼雲樹小村貧
猶勝情力求殮者五斗低腰走世塵

憶長安行

舊厯關中憶廢興
僭奢須戒儉須憑
火光只是燒秦冢
賊眼何曾視灞陵
鐘鼓煎催人自急
侯王更換恨難勝
不如坐釣清溪月
心共寒潭一片澄

憶長安上省年

忽憶關中逐計車
歷坊騎馬信空虛
三秋病起見新鴈
八月夜長思舊居
宗伯帳前曾獻賦
相君門下再投書
如今說著猶堪泣
兩宿都堂過歲除

長安述懷

黃河水合尚來遊知命知時肯躁求詞賦有名堪自負
春風落第不曾羞風塵色裏凋雙鬢擊鼓聲中歷幾州
十載公卿早言屈何須課夏更冥搜

長安即事三首

拋擲清溪舊釣鉤長安寒暑再環周便隨鶯羽三春化
只說蟬聲一度愁掃雪自憐窗紙照上天寧愧海槎流
明時則一作只待金門詔肯羨班超萬戶侯

無酒窮愁結自舒飲河求滿不求餘身登霄漢平時第

家得干戈定後書富貴敢期蘇季子清貧方見馬相如
明時用即匡君去不用何妨却釣魚

拖紫腰金不要論便堪歸隱白雲村更無名籍強金榜
豈有花枝勝杏園綺席促時皆國器羽觥飛處盡王孫
高眠亦是前賢事爭報春闈莫大恩

東京次新安道中

賊去兵來歲月長野蒿空滿壞墻匡旋從古轍成深谷
幾見金輿過上陽洛水送年催代謝嵩山擎日拂穹蒼

殊時異世爲儒者不見文皇與武皇

山陰故事

坦腹夫君不可逢
千年猶在播英風
紅鵝化鶴青天遠
綵筆成龍綠水空
愛竹只應憐直節
書裙多是爲奇童
吹笙縱嶺登山後
東注清流豈有窮

溫陵即事

早年師友教爲文
賣却漁舟網典墳
國有安危期日諫
家無擔石暫從軍
非才豈合攀丹桂
多病猶堪伴白雲

爭得千鍾季孫粟滄洲歸與故人分

溫陵殘臘書懷寄崔尚書

濟川無楫擬何為三傑還從漢祖推
心學庭槐空發火鬢同門柳即垂絲
中興未遇先懷策除夜相催也課書
江上年年接君子一杯春酒一枰碁

義通里寓居即事

家住寒梅翠嶺東
長安時節詠途窮
牡丹窠小春餘雨
楊柳絲疎夏足風
愁鬢已還年紀白
衰容寧藉酒杯紅

長卿甚有凌雲作誰與清吟達帝宮

上陽宮詞

點點苔錢上玉墀日斜空望六龍西
妝臺塵暗青鸞掩
宮樹月明黃鳥啼庭草可憐分雨露
君恩深恨隔雲泥
銀蟾借與金波路得入重輪伴弄妻

西寨寓居

閒讀南華對酒杯醉攜筇竹畫蒼苔
豪門有利人爭去
陋巷無權客不來解報可能醫病雀
重燃誰肯照寒灰

嚴陵萬古清風在好櫂東溪詠釣臺

功智爭馳澹薄空猶懷忠信擬何從
鵠鳶啄腐疑雛鳳
神鬼欺貧笑伯龍烈日不融雙鬢雪
病身全仰竹枝筇
崇侯入輔嚴陵退堪憶啼猿萬仞峯

題福州天王閣

絕境宜棲獨角仙金張到此亦忘還
三門裏面千層閣
萬井中心一朶山江拘碧灣盤洞府
石排青壁護禪關
有時海上看明月輾出冰輪疊浪間

憶薦福寺南院

憶昔長安落第春，佛宮南院獨遊頻。
燈前不動惟金像，壁上曾題盡古人。
鶻鴂聲中雙闕雨，牡丹花際六街塵。
啼猿溪上將歸去，合問昇平請秉鈞。

塔院小屋四壁皆是卿相題名因成四韻

雁塔攬空映九衢，每看華宇每踟蹰。
題名盡是台衡迹，滿壁堪為宰輔圖。
鸞鳳豈巢荆棘樹，虬龍多蟄帝王都。
誰知遠客思歸夢，夜夜無船自過湖。

題名琉璃院

今改名景祥院詩與翁承贊景祥院相同

一條溪遶翠岩隈行脚僧言勝五臺

一本作一條溪碧繞崔嵬卸俗偏宜

向此隈

農罷樹陰黃犢卧齋時山下白衣來松因住日門

人種路是前生長老

一作朝釋子

開三卷貝多金粟語可能

長誦免輪迴

寺中偶題

聽話金仙眉

一作白

相毫每來皆得解塵勞鶴棲雲路看

方貴僧倚松門見始高名利罷燒心內火雪霜偏垢鬢

邊毛銀蟾未出金烏在更上層樓眺海濤

山寺

一作中

寓居

高卧東林最上方水聲山翠別愁腸白雲送雨籠僧閣
黃葉隨風入客堂終去四明成大道暫從雙鬢許秋霜
披緇學佛應無分鶴氅談空亦不妨

寄僧寓題

佛頂抄經憶惠休衆人皆謂我悠悠浮生真箇醉中夢
閒事莫添身外愁百歲付于花暗落四時隨却水奔流

安眠靜笑思何報
日夜焚修祝郡侯

游靈隱天竺二寺

丹井冷泉虛易到
兩山真界實難名
石和雲霧蓮華氣
月過樓臺桂子清
騰踏回橋巡像設
羅穿曲洞出龍城
更憐童子呼猿去
颯颯蕭蕭下樹行

醉題邑宰南塘屋壁

萬古清淮照遠天
黃河濁浪不相關
縣留東道三千客
宅鎖南塘一片山
草色淨經秋雨綠
燒痕寒入曉窗斑

閩王美錦求賢製未許陶公解印還

題泗洲塔

十年前事已悠哉旋被鐘聲早暮催
明月似師生又沒白雲如客去還來
煙籠瑞閣僧經靜風打虛窗佛幌開
惟有南邊山色在重重依舊上高臺

東歸題屋壁

塵埃歸去五湖東還是衡門一畝宮
舊業旋從征賦失故人多逐亂離空
因悲盡室如懸磬却擬攜家學轉蓬

見說武王天上夢無情曾與傳岩通

寓題

酒壺棋局似閒人竹笏藍衫老此身
託客買書重得卷
愛山移宅近為鄰
鳴蛩閣上風吹病
落葉庭中月照貧
見說天池波浪闊
也應涓滴濺窮鱗

偶題

閒補亡書見廢興偶然前古也
填膺秦宮猶自拜張祿
楚幕不知留范增
大道豈全闕
歷數雄圖強半屬
賢能

燕臺財力知多少誰築黃金到九層

寓題述懷

大道真風早晚還妖訛成俗汙乾坤宣尼既沒蘇張起
鳳鳥不來雞雀喧芻豢可能供驥子草多誰復訪蘭蓀
堯廷忘却徵元凱天闕重關十二門

將入城靈口道中作

路上長安惟咫尺灞陵西望接秦源依稀日下分天闕
隱映雲邊是國門錦袖臂鷹河北客青桑鳴雉渭南村

高風九萬程途近與報滄洲欲化鯤

新屋

耳順何為土木勤叔孫牆屋有前聞縱然一世如紅葉
猶得十年吟白雲性逸且圖稱野客才難非敢傲明君
清甜數尺沙泉井平與鄰家晝夜分

新葺茆堂

翦竹誅茆就水濱靜中還得保天真只聞神鬼害盈滿
不見古今爭賤貧樹影便為廊廡屋草香權當綺羅茵

堦前一片泓澄水借與汀禽活紫鱗

耨水耕山息故林壯圖嘉話負前心素絲鬢上分愁色
絡緯牀頭和苦吟筆研不才當付火方書多誑罷燒金
同年二十八君子遊楚遊秦斷好音

茆亭

鴛尾虹梁計已疎織茆編竹稱貧居翦平恰似山僧笠
掃靜真同道者廬秋晚捲簾看過雁月明憑檻數跳魚
重門公子應相笑四壁風霜老讀書

客廳

移却松筠致客堂，淨泥環堵貯荷香。
衡茅只要免風雨，藻枕不須高棟梁。
豐蔀仲尼明演易，作歌五子恨雕牆。
燕臺漢閣王侯事，青史千年播耿光。

詠寫真

寫得衰容似十全，閒開僧舍靜時懸。
瘦于南國從軍日，老却東堂射策年。
潭底看身寧有異，鏡中引影更無偏。
借將前輩真儀比，未愧金鑾李謫仙。

放榜日

喧喧車馬欲朝天，人探東堂榜已懸。
萬里便隨金鸞鷟，

三台仍借玉連錢。

南海相公此時在京蒙借鞍馬人僕

花浮酒影彤霞爛，

日照衫光瑞色鮮。
十二街前樓閣上，
卷簾誰不看神仙。

曲江宴日呈諸同年

鷓鴣驚與鳳皇同，忽向中興遇至公。
金榜連名昇碧落，
紫花封敕出瓊宮。
天知惜日遲遲暮，
春爲催花簇簇紅。
好是慈恩題了望，
白雲飛盡塔連空。

渤海賓貢高元固先輩閩中相訪云本國人寫
得黃斬蛇劍御溝水人生幾何賦家

一本無家字

皆

以金書列為屏障因而有贈

折桂何年下月中閩山來問我雕蟲肯銷金翠書屏上
誰把薊蕘過日東郊子昔時遭孔聖繇余往代諷秦宮
嗟嗟大國金門士幾個人能振素風

偶吟

千卷長書萬首詩朝蒸藜藿暮烹葵清時名立難皆我

晚歲途窮亦問誰
碧岼釣歸惟獨笑
青山耕徧亦何爲
尋常抖擻懷中策
可便降他兩鬢絲

贈表弟黃校書輅

一作較昔居臨溪今
居近市入市五里

產破身窮爲學儒
我家諸表愛詩書
嚴陵雖說臨溪隱
晏子還聞近市居
佳句麗偷紅菌齒
吟窗冷落白蟾蜍
閒來共話無生理
今古悠悠事總虛

輦下贈屯田何員外

封章頻得帝咨嗟
報國唯將直破邪
身到西山書幾達

官登南省鬢初華
厨非寒食還無火
菊待重陽擬泛茶
內翰好才兼好古
秋來應數到君家

員外與楊老丞翰
林同年恩義最篤

贈月君

山妻字月君伏見文選中顧
彥先亦有贈婦因持此詠

出水蓮花比性靈
三生塵夢一時醒
神傳尊勝陀羅咒
佛授金剛般若經
懿德好書添女誡
素容堪畫上銀屏
鳴梭軋軋織纖手
窗戶流光織女星

贈垂光同年

丹桂攀來十七春
如今始見茜袍新
須知紅杏園中客

終作金鑾殿裏臣
逸少家風惟筆札
玄成世業是陶鈞
他時黃閣朝元處
莫忘同年射策人

贈楊著

一作
著作

藻麗熒煌冠士林
白華榮養有曾參
十年去里荆門改
八歲能詩相座吟
李廣不侯身漸老
子山操賦恨何深
釣魚臺上頻相訪
共說長安淚滿襟

贈黃校書先輩璞間居

馭一作
取得驪龍第四珠
退依僧寺卜貧居
青山入眼不

干祿白髮滿頭猶著書東澗野香添碧沼南園夜雨長
秋疏月明掃石吟詩坐諱却全無儋石儲

尚書榮拜恩命夤疾中輒課惡詩二首以申攀
讚

明公家鑿鳳凰池弱冠封侯四海推富貴有期天授早
關河多難勅來遲昂星人傑當王佐黃石仙翁識帝師
昨日詔書猶漏缺未言商也最能詩

東郊迎入紫泥封此日天仙下九重三五月明臨闕澤

百千人衆看王恭旗傍綠樹遙分影馬蹋浮雲不見蹤
借問乘輅何處客相庭雄幕卷芙蓉

府主僕射王搏生日

昭宗光化三年
己未八月獻

熊羆先兆慶垂休天地氤氲瑞氣浮李樹影籠周柱史
昂星光照漢鄼侯數鍾龜鶴千年算律正乾坤八月秋
勲業定應歸鼎鼎生靈豈獨化東甌

獻內翰楊侍郎

窗開青瑣見瑤臺冷拂星辰逼上台丹鳳詔成中使取

白龍香近聖君來欲言溫樹三緘口閒賦宮詞八斗才
莫擬吟雲避榮貴廟堂玉鉉待鹽梅

送劉常侍

懷君何計更留連
送文星上碧天
杜預注通三十卷
漢皇枝紹幾千年
言端義信如明月筆
下篇章似湧泉
他日有書隨雁足
東溪無令訪魚船

送盧拾遺歸華山

紫殿諫多防佞口
清秋假滿別明君
惟憂急詔歸青瑣

不得經時卧白雲千載茯苓攜鶴斲一峯仙掌與僧分
門前舊客期相薦猶望飛書及主文

春末送陳先輩之清源

貧中惟是長年華每羨君行自歎嗟歸日捧持明月寶
去時期刻刺桐花春風避酒多游寺曉騎聽雞早入衙
千乘侯王若相問飛書與報白雲家

上盧三拾遺以言見黜

骨鯁如君道尚存近來人事不須論疾危必厭神明藥

心惑多嫌正直言冷眼靜看真好笑傾懷與說却為寬
因思周廟當時誠金口三緘示後昆

送王校書往清源

南國賢侯待德風長途仍借五花驄清歌早貫驪龍額
丹桂曾攀玉兔宮楊柳堤邊梅雨熟鷓鴣聲裏麥田空
吟詩臺上如相問與說磻溪直釣翁

岳州端午日送人游郴連

五月巴陵值積陰送君千里客于郴北風吹雨黃梅落

西日過湖青草深，競渡岸傍人挂錦。
採芳城上女遺簪，九疑雲闊蒼梧暗。
與說重華舊德音。

賀清源太守王延郴

藥珠宮裏謫神仙

一作神仙謫

八載溫陵萬戶閒，心地闊于

雲夢澤，官資高却太行山。
姜牙兆寄熊羆內，陶侃文成
掌握間。應笑清溪舊門吏，年年扶病掩柴關。

武榮江畔蔭祥雲

一作祥雲蔭

寵拜天人慶，郡人五色鶴綾

花上勅。九霄龍尾道邊臣，英雄達處誰言命。
富貴來時

自逼身更待春風飛吉語紫泥分付與陶鈞

病中春日即事寄主人尚書二首

身比秋荷覺漸枯致君經國墮前圖層冰照日猶能暖
病骨逢春却未蘇鏡裏白鬚擣又長枝頭黃鳥靜還呼
庾樓恩化通神聖何計能教擲得盧

風拍衰肌久未蠲破窗頻見月團圓更無舊日同

一作陳

人間只有多情太守憐臘內送將三折股歲陰分與五
銖錢玄穹若假年齡在願捧銅盤爲國賢

寄華山司空侍郎

一作表聖

二首

金闕爭權競獻功，獨逃徵詔卧三峰。
雞羣未必容於鶴，蛛網何繇捕得龍。
清論盡應書國史，靜籌皆可息邊烽。
風霜落滿千林木，不近青青澗底松。

非雲非鶴不從容，誰敢輕量微世蹤。
紫殿幾徵王佐業，青山未拆詔書封。
閒吟每待秋空月，早起長先野寺鐘。
前古負材多爲國，滿懷經濟欲何從。

寄盧端公同年仁烱時遷都洛陽新立幼主

上陽宮闕翠華歸百辟傷心序漢儀崑岳有炎瓊玉碎
洛川無竹鳳皇飢須簪白筆匡明主莫許黃鵠一作博
少師惆悵宸居遠于日長吁空摘鬢邊絲

寄天台陳希畋

陰山冰凍嘗迎夏蟄戶雲雷只待春
呂望豈嫌垂釣老西施不恨浣沙貧
坐爲羽獵車中相飛作君王掌上身
拍手相思惟大笑我曹寧比等閒人

寄兩浙羅書記

進即湮沈退却升錢塘風月過金陵鴻才入貢無人換
白首從軍有詔徵博簿集成時輩罵讒書編就薄徒憎
憐君道在名長在不到慈恩最上層

邑宰相訪翼日有寄

淵明深念却詵貧踏破莓苔看甌塵碧沼共攀紅菌
金鞍不卸紫麒麟殘陽妬害催歸客薄酒甘嘗罰主人
夜半夢醒追復想欲長攀接有何因

白酒兩瓶送崔侍御

雪化霜融好潑醅滿壺冰凍向春開求從白石洞中得
攜向百花岩畔來幾夕露珠寒貝齒一泓銀水冷瓊杯
湖邊送與崔夫子誰一作惟見稽山盡日顏

依韻酬常循州

早年花縣拜潘郎尋忝飛鳴出桂堂日走登一作青天長

似箭人同紅樹豈

一作幾

經霜帆分南浦知離別駕在東

州一作川

更可傷公論一麾將塞詔且隨徵令過瀟湘

謝主人惠綠酒白魚

早起雀聲送喜頻
白魚芳酒寄來珍
馨香乍揭春風甕
撥刺初辭夜雨津
樽濶最宜澄桂液
網疎殊未損霜鱗
不曾垂釣兼親醞
堪愧金臺醉飽身

御定全唐詩卷七百九



總校官庶吉士臣張能照

校對官庶吉士臣翟槐

謄錄舉人臣丁兆隆

欽定四庫全書薈要

集部

御定全唐詩卷七百

十二

詳校官原任主事

臣

李斯咏

欽定四庫全書薈要卷一萬八千一百十五

集部

御定全唐詩卷七百十

徐夔

蜀

雖倚關張敵萬夫

豈勝恩信作良圖
能均漢祚三分業

不負荊州六尺孤
綠水有魚賢已得青桑如蓋瑞先符
君王幸是中山後
建國如何號蜀都

魏

伐罪書勲令不常爭教為帝與為王十年小怨誅桓邵
一檄深讐怨孔璋在井蟄龍如屈伏食槽驕馬忽騰驤
姦雄事過分明見英識空懷許子將

吳

一主參差六十年父兄猶慶授孫權不迎曹操真長策
終謝張昭見碩賢建業龍盤雖可貴武昌魚味亦何偏
秦嬴謾作東遊計紫氣黃旗豈偶然

兩晉

三世深謀啓帝基可憐孀婦與孤兒
罪歸成濟皇天恨
戈犯明君萬古悲
巴蜀削平輕似紙
勾吳吞却美如飴
誰知高鼻能知數
競向中原簸戰旗

宋二首

天爵休將擔石論
一身恭儉萬邦尊
賭將金帶驚寰海
留得耕衣誡子孫
締構不應饒漢祖
姦雄何足數王敦
草中求活非吾事
豈啻橫身向廟門

百萬人甘一擲輸
玄穹惟與道相符
豈知紫殿新天子

只是丹徒舊晉夫五色龍章身早見六終鴻業數難逾
三年未得分明夢却為蘭陵起霸圖

陳

三惑昏昏中紫宸萬幾拋却醉臨春書中不禮隋文帝
井底常攜張貴嬪玉樹歌聲移入哭金陵天子化為臣
兵戈半渡前江水狎客猶聞爭酒巡

讀史

亞父淒涼別楚營天留三傑翼龍爭高才無主不能用

直道有時方始平
喜愠子文何穎悟
卷藏遽瑗甚分明
須知飲啄繇天命
休問黃河早晚清

漢宮新寵

位在嬪妃最上頭
笑他長信女悲秋
日中月滿可能久
花落色衰殊未憂
公主鏡中爭翠羽
君王袖底奪金鉤
妾家兄弟知多少
恰要同時拜列侯

開元即事

曲江真宰國中訛
尋奏漁陽忽荷戈
堂上有兵天不用

幄中無策印空多

楊國忠時兼諸使館三十二印一本作課印

塵驚騎透潼

關鎖雲護龍遊渭水波未必蛾眉能破國千秋休恨馬

冤坡

李翰林

謫下三清列八仙獲調羹鼎侍龍顏吟開鎖闥窺天近
醉卧金鑾待詔閒舊隱不歸劉備國旅魂長寄謝公山
遺編往簡應飛去散入祥雲瑞日間

聞長安庚子歲事

羽檄交馳觸冕旒
函關飛入鐵兜鍪
君王去國未為恨
寰海失君方是憂
五色大雲凝蜀郡
幾般妖氣撲神州
唐堯縱禪乾坤位
不是重華莫謾求

公子行

十五轅門學控弦
六街騎馬去如煙
金多倍著牡丹價
髮白未知章甫賢
有耳不聞經國事
拜官方買謝恩箋
相如謾說凌雲賦
四壁何曾有一錢

依韻贈嚴司直

曾轉雙蓬到玉京
宣尼恩奏樂卿名
歌殘白石扣牛角
賦換黃金愛馬卿
滄海二隅身漸老
太行千疊路難行
夫君才大官何小
堪恨人間事不平

傷前翰林楊左丞

一本有贊
圖二字

飛上鰲頭侍玉皇
三台遺耀換餘光
人間搦管窮蒼頡
地下修文待卜商
真魄肯隨金石化
真風留伴蕙蘭香
皇天未啓昇平運
不使伊臯相禹湯

日月無情

日月無情也有情朝昇夕沒照均平雖催前代英雄死
還促後來賢聖生三尺靈烏金借耀一輪飛鏡水饒清
憑誰築斷東溟路龍影蟾光免運行

新月

雲際娟嬋出又藏美人腸斷拜金方姮娥一隻眉先掃
織女三分鏡未光珠箔寄鉤懸香靄白龍遺爪印穹蒼
更期十五圓明夜與破陰霾照八荒

和尚書詠煙

無根無蒂結還融
曾觸嵐光徹底空
不散幾知離畢雨
欲飛須待落花風
玲瓏薄展鮫綃片
幕歷輕含鳳竹叢
瓊什捧來思舊隱
撲窗穿戶曉溟濛

宮鶯

領得春光在帝家
早從深谷出煙霞
閒棲仙禁日邊柳
飢啄御園天上花
睨睨只宜陪閣鳳
間關多是問宮娃
可憐鸚鵡矜言語
長閉雕籠歲月賒

鬢髮

鬢添華髮數莖新羅雀門前絕故人
減食爲緣疎五味
不眠非是守庚申深園竹綠齊抽笋
古木蛇青自脫鱗
天地有鑪長鑄物濁泥遺塊待陶鈞

春入鯉湖

到來峭壁白雲齊載酒春遊渡九溪
鐵嶂有樓靈欲墮
石門無鎖路還迷湖頭鯉去轟雷在
樹杪猿啼落日低
回首浮生真幻夢何如斯地倚幽棲

雙鷺

雙鷺雕籠昨夜開
月明飛出立庭隈
但教綠水池塘在
自有碧天鴻雁來
清韻叫霜歸島樹
素翎遺雪落漁臺
何人為我追尋得
重勸溪翁酒一杯

鷓鴣

繡僕梅黃羽翼全
楚雞非瑞莫爭先
啼歸明月落邊樹
飛入百花深處煙
避燒幾曾遺遠岫
引雛時見飲晴川
荔枝初熟無人際
啄破紅苞墜野田

鷹

害物傷生性豈馴且宜籠罩待知人惟擒燕雀啗腥血
却笑鸞皇啄翠筠狡兔穴多非爾識鳴鳩脰短罰君身
豪門不讀詩書者走馬平原放翫頻

蝴蝶二首

縹緲青蟲脫殼微不堪煙重雨霏霏一枝穠豔留教住
幾處春風借與飛防患每憂雞雀口憐香偏遶綺羅衣
無情豈解關魂夢莫信莊周說是非

拂綠穿紅麗日長一生心事住春光最嫌神女來行雨

愛伴西施去採香風定只應攢藥粉夜寒長是宿花房
鳴蟬性分殊迂闊空解三秋噪夕陽

郡侯坐上觀琉璃瓶中遊魚

寶器一泓銀漢水錦鱗纔動即先知似涵明月波寧隔
欲上輕冰律未移薄霧罩來分咫尺碧綃籠處較毫釐
文翁未得沈香餌擬置金盤召左慈

翦刀

寶持多用繡為囊雙日

一作目

交加兩鬢霜金匣掠平花

翡翠綠窗裁破錦鴛鴦初裁連理枝猶短誤綰同心帶
不長欲製縵袍先把看質非純綺愧銛銛

紙被

文采鴛鴦罷合歡細柔輕綴好魚牋一牀明月蓋歸夢
數尺白雲籠冷眠披對勁風溫勝酒擁聽寒雨暖于綿
赤眉豪客見皆笑却問儒生直幾錢

紙帳

幾笑文園四壁空避寒深入剡藤中誤懸謝守澄江練

自宿嫦娥白兔宮幾疊玉山開洞壑半巖春霧結房櫳
針羅截錦饒君侈爭及蒙茸煖避風

貢餘秘色茶盞

振翠融青瑞色新陶成先得貢吾君巧刻明月染春水
輕旋薄水盛綠雲古鏡破苔當席上嫩荷涵露別江濱
中山竹葉醅初發多病那堪中十分

筍鞭

筍竹岩邊剔翠苔錦江波冷洗瓊瑰累累節轉蒼龍骨

寸寸珠聯巨蚌胎
須向廣場驅駟駿
莫從閒處撻駑駘
寧同晉帝環營日
拋賺中途後騎來

詠簾

素節輕盈珠影勻
何人巧思間成文
閒垂別殿風應度
半掩行宮麝欲薰
繡戶遠籠寒焰重
玉樓高挂曙光分
無情幾恨黃昏月
纔到如鉤便墮雲

詠燈

分影繇來恨不同
綠窗孤館兩何窮
熒煌短焰長疑暗

零落殘花旋委空幾處隔簾愁夜雨誰家當戶怯秋風
莫言明滅無多事曾比人生一世中

詠扇

為發涼颿滿玉堂每親襟袖便難忘霜濃雪暗知何在
道契時來忽自揚曾伴一樽臨小檻幾遮殘日過回廊
漢宮如有秋風起誰信班姬淚數行

詠筆二首

秦代將軍欲建功截龍搜兔助英雄用多誰念毛皆拔

拋却更嫌心中不中史氏只應歸道直江淹何獨偶靈通
班超握管不成事投擲翻從萬里戎

君子三歸擅一名秋毫雖細握非輕軍書羽檄教誰錄
帝命王言待我成勢健豈饒淝水陣鋒鋦還學歷山耕
毛乾時有何人潤盡把燒焚恨始平

詠錢

多蓄多藏豈足論有誰還議濟王孫能於甌處翻為福
解向讐家買得恩幾怪鄧通難免餓須知夷甫不曾言

朝爭暮競歸何處盡入權門與倖門

尚書筵中詠紅手帕

鶴綾三尺曉霞濃送與東家二八容
羅帶繡裙輕好繫
藕絲紅縷細初縫別來拭淚遮桃臉
行去包香墜粉胸
無事把將纏皓腕為君池上折芙蓉

尚書新造花箋

濃染紅桃二月花只宜神筆縱龍蛇
淺澄秋水看雲母
碎擘輕苔間粉霞寫賦好追陳后寵
題詩堪送竇滔家

使君即入金鑾殿夜直無非草白麻

釣車

荻灣漁客巧妝成
礪鑄銀星一點輕
拋過碧江鷗鷺岸
輶殘金井轆轤聲
軸磨駢角冰光滑
輪卷春絲水面平
把向嚴灘尋轍迹
漁臺基在輶難傾

柳

漠漠金條引線微
年年先

一作光

翠報春歸解籠飛
靄延

芳景不逐亂花飄
夕暉啼鳥噪
蟬堪悵望舞煙搖
水自

因依五株名顯陶家後見說辭榮種者稀

愁

夜長偏覺漏聲遲
往往隨歌慘翠眉
黃葉落催砧杵日
子規啼破夢魂時
明妃去泣千行淚
蔡琰歸梳兩鬢絲
四皓入山招不得
無家歸客最堪欺

草

廢苑荒堦伴綠苔
恩疎長信恨難開
姑蘇麋鹿食

一作應

思食楚澤王孫來

一作已

不來色嫩似將藍汁染
葉齊如

把翦刀裁燕昭沒後多卿士千載流芳郭隗臺

螢

月墜西樓夜影空透簾穿幕達房櫳流光堪在珠璣列
為火不生榆柳中一一照通黃卷字輕輕化出綠蕪叢
欲知應候何時節六月初迎大暑風

水

火性何如水性柔西來東出幾時休莫言通海能通漢
雖解浮舟也覆舟湘浦暮沈堯女怨汾河秋泛漢皇愁

洪波激湍歸何處二月桃花滿眼流

苔

印留麋鹿野禽蹤岩壁漁磯幾處逢金谷曉凝花影重
章華春映柳陰濃石橋羽客遺前迹陳閣才人沒舊容
歸去掃除階砌下蘚痕殘綠一重重

曉

水盡銅龍滴漸微景陽鍾動夢魂飛潼關雞唱促歸騎
金殿燭殘求御衣窗下寒機猶自織梁間棲燕欲雙飛

義和晴簷扶桑轡借與寰瀛看早暉

別

酒盡歌終問後期
泛萍浮梗不勝悲
東門足馬夜歸處
南浦片帆飛去時
賦罷江淹吟更苦
詩成蘇武思何遲
可憐范陸分襟後
空折梅花寄所思

夜

日墜虞淵燭影開
沈沈煙霧壓浮埃
剡川雪滿子猷去
漢殿月生王母來
簷挂蛛絲應漸織
風吹螢火不成灰

愁人莫道何時旦自有鐘鳴漏滴催

雨

引電隨龍密又輕酒桮閒喫得嘉名千山草木如雲暗
陸地波瀾接海平灑竹幾添春睡重滴簷偏遣夜愁生
陰妖冷孽成何怪敢蔽高天日月明

萍

為實隨流瑞色新泛風縈草護遊鱗密行碧水澄涵月
滯滯輕橈去採蘋比物何名腰下劍無根堪並鏡中身

平湖春渚知何限撥破閒投獨靈綸

恨

事與時違不自繇如燒如刺寸心頭烏江項籍忍歸去
雁塞李陵長繫留燕國飛霜將破夏漢宮紈扇豈禁秋
須知入骨難銷處莫比人間取次愁

鴻

行如兄弟影連空春去秋來燕不同紫塞別當秋露白
碧山飛入暮霞紅宣王德美周詩內蘇武書傳漢苑中

況解銜蘆避弓箭一聲歸暖楚天風

鶴

閨苑瑤臺歲月長一歸華表好增傷
新聲乍警初零露折羽閒飛幾片霜
要伴神仙歸碧落豈隨龜雁住西方
一作西塘三山頂上無人處瓊樹堪巢不死鄉

鵲

神化難源瑞印開雕陵毛羽出塵埃
香閨報喜行人至碧漢填河織女回
明月解隨烏繞樹青銅寧愧雀為臺

瓊枝翠葉庭前植從待翩翩去又來

霜

應節誰窮造化端
菊黃豺祭問應難
紅窗透出鴛衾冷
白草飛時雁塞寒
露結芝蘭瓊屑厚
日乾葵藿粉痕殘
世間無比催搖落
松竹何人肯更看

風

城上寒來思莫窮
土囊萍末兩難同
飄成遠浪江湖際
吹起暮塵京洛中
飛雪蕭條殘臘節
落花狼藉古行宮

春能和煦秋搖落生殺還同造化功

帆

豈勞孤棹送行舟輕過天涯勢未休
斷岸曉看殘月挂
遠灣寒背夕陽收
川平直可追飛箭
風健還能泝急流
幸遇濟川恩不淺
北溟東海更何愁

夢

月落燈前閉北堂
神魂交入杳冥鄉
文通毫管醒來異
武帝蘅蕪覺後香
傳說已徵賢可輔
周公不見恨何長

生松十八年方應通塞人間豈合忙

東

紫氣天元出故關
大明先照九垓間
鰲山海上秦娥去
鱸膾江邊齊掾還
青帝郊垌平似砥
主人階級峻如山
蟠桃樹在煙濤水
解凍風高未得攀

西

密雲郊外已回秋
日下崦嵫景懶收
秦帝城高堅似鐵
李斯書上曲如鉤
寧惟東岳凌天秀
更有長庚瞰曙流

見說山傍偏出將犬戎降盡復何愁

南

罩罩嘉魚憶此方送君前浦恨難量火山遠照蒼梧郡
銅柱高標碧海鄉陸賈幾時來越島三閭何日濯滄浪
鐘儀冠帶歸心阻蝴蝶飛園萬草芳

北

第五句
缺三字

雪滿胡天日影微李君降虜失良時窮溟駕浪鷗鵬化
極海寄書鴻雁遲
來猶未啟殘兵奔去杳難追

可憐燕谷花開晚
鄒律如何為一吹

雲

漠漠沈沈向夕暉
蒼梧巫峽兩相依
天心白日休空蔽
海上故山應自歸
似蓋好臨千乘載
如羅堪翦六銖衣
為霖須救蒼生旱
莫向西郊作雨稀

燕

從待銜泥濺客衣
百禽靈性比他稀
何嫌何恨秋須去
無約無期春自歸
鵲鷺不容應不怪
棟梁相庇願相依

吳王宮女嬌相襲合整雙毛預奮飛

蟬

寒鳴寧與衆蟲同翼鬢綫冠豈道窮殼蛻已從今日化
聲愁何似去年中朝催籬菊花開露暮促庭槐葉墜風
從此最能驚賦客計居何處轉飛蓬

露

鶴鳴先警雁來天洗竹沾花處處鮮散綵幾當蟬飲際
凝光宜對蚌胎前朝垂苑草煙猶重夜滴宮槐月正圓

怵惕與霜同降日蘋繁思薦獨淒然

霞

天際何人濯錦歸偏宜殘照與晨暉
流為洞府千年酒化作靈山幾襲衣
野燒燄連殊赫奕愁雲陰隔乍依稀
勞生願學長生術冷盡紅桃上漢飛

蒲

濯秀盤根在碧流紫茵含露向晴抽
編為細履隨君步織作輕帆送客愁
疎葉稍為投餌釣密叢還礙採蓮舟

鴛鴦鸕鶿多情甚日日雙雙遠傍游

泉

非鑿非疏出洞門源深流嶮合還分高成瀑布漱逋客
清入御溝朝聖君迸滴幾山穿破石迅飛層嶠噴開雲
舊齋一帶連松竹明月窗前枕上聞

煙

燎野焚林見所從惹空橫水展形容能滋甘雨隨車潤
不並行雲逐夢蹤晴鳥迴籠嘉樹薄春亭嬌幕好花濃

有時片片風吹去海碧山清過幾重

閒

不管人間是與非白雲流水自相依一瓢挂樹傲時代
五柳種門吟落暉江上翠娥遺佩去岸邊紅袖採蓮歸
客星辭得漢光武却坐東江舊蘚磯

忙

雙競龍舟疾似風一星球子兩明

一作朋

同平吳破蜀三

除裏滅楚圖秦百戰中春近杜鵑啼不斷寒催歸雁去

何窮兵還失路旌旗亂驚起紅塵似轉蓬

淚

發事牽情不自繇偶然惆悵即難收已聞抱玉沾衣濕
見說迷途滿目流滴盡綺筵紅燭暗墜殘妝閣曉花羞
世間何處偏留得萬點分明湘水頭

月

碧落誰分造化權結霜凝雪作嬋娟寒蟬

一作蟾

若不開

三穴狡兔何從上九天莫見團圓明處遠須看灣曲鑒

時偏却說樹老堯
莫換惆悵今年似去年

御定全唐詩卷七百十

欽定四庫全書薈要卷一萬八千一百十六

集部

御定全唐詩卷七百十一

徐黃

依御史

一本無御史二字

溫飛卿華清宮二十二韻

地靈蒸水暖天氣待宸遊
嶽拱蓮花秀峰高玉葉秋
朝元雕翠閣乞巧繡瓊樓
碧海供驪嶺黃金絡馬頭
五王更入帳七貴迭封侯
夕雨鳴鴛瓦朝陽煜柘裘
伊臯爭負鼎舜禹讓垂旒
墮珥間應拾遺釵醉不收
飛煙籠劍

戟殘月照旌旂履朔求衣早臨陽解佩羞宮詞裁錦段
御筆落銀鈎帝里新豐縣長安舊雍州雪衣傳貝葉蟬
鬢插山榴對景瞻瑤兎昇天駕綵虬丹書陳北虜玄甲
擐犀牛聖誥多屯否生靈少怨尤穹旻當有輔帷幄豈
無籌鳳態傷紅豔鸞輿緩紫駟樹名端正在人欲夢魂
休讖語山旁鬼塵銷隴畔丘重來芳草恨往事落花愁
五十年鴻業東憑渭水流

尚書命題瓦硯

遠向端溪得，皆因郢匠成。鑿山青靄斷，琢石紫花輕。散
墨松香起，濡毫藻句清。入臺知價重，著匣恐塵生。守黑
還全器，臨池早著名。春闈攜就處，軍幙載將行。不獨雄
文陣，兼能助筆耕。莫嫌涓滴潤，深染古今情。洗處無瑕
玷，添時識滿盈。蘭亭如見用，敲戛有金聲。

東風解凍省試

暖氣飄蘋末，凍痕銷水中。扇冰初覺泮，吹海旋成空。入
律三春照，朝宗萬里通。岸分天影濶，色照日光融。波起

輕搖綠鱗遊乍躍紅殷勤排弱羽飛翥趁和風

和僕射二十四丈牡丹八韻

帝王城裏看無故亦無新忍摘都緣借移栽未有因
光陰嫌太促開落一何頻羞殺登牆女饒將解佩人
榮堪靈鳳啄香許白龍親素練籠霞曉紅妝帶臉春
莫辭終夕醉易老少年身買取歸天上寧教逐世塵

釣絲竹

簌簌拂清流堪維舴艋舟野蟲懸作餌溪月曲為鉤
雨

潤搖堦長風吹繞指柔若將諸樹比還使綠楊羞蠶婦
非堯女漁人是子猷湖邊舊栽處長映讀書樓

尚書會仙亭詠薔薇黃坐中聯四韻晚歸補緝
所聯因成一篇

結綠根株翡翠莖句芒中夜刺猩猩景陽妝赴嚴鐘出
楚峽神教暮雨晴躑躅豈能同日語玫瑰方可一時呈
風吹嫩帶香苞展露灑啼思淚點輕阿母藥宮期索去
昭君榆塞闕齋行藁高恐礙銜泥燕架隱宜棲報曙鶯

鬪日只憂燒密葉映階疑欲讓雙旌含煙散纈佳人惜
落地遺鈿少妓爭丹渥不因輸繡段錢圓誰把買花聲
海棠若要分流品秋菊春蘭兩恰平

和尚書詠泉山瀑布十二韻

名齊火浣溢山椒誰把驚虹挂一條天外倚來秋水刃
海心飛上白龍綃民田鑿斷雲根引僧圃穿通竹影澆
噴石似煙輕漠漠濺崖如雨冷瀟瀟水中蠶緒纏蒼壁
日裏虹精挂絳霄寒漱綠陰仙桂老碎流紅豔野桃天

千尋練寫長年在六出花開夏日消急恐劃分青嶂骨
久應裯裂翠微腰濯纓便可譏漁父洗耳還宜傲帝堯
林際猿猱偏得飯岸邊烏鵲擬為橋赤城未到詩先寄
廬阜曾遊夢已遥數夜積霖聲更遠郡樓欹枕聽良宵

自詠十韻

只合滄洲釣與耕忽依螢燭愧功成未遊宦路叨卑宦
纔到名場得大名梁苑二年陪衆客溫陵十載佐雙旌
錢財盡是侯王惠骨肉偕承里巷榮拙賦偏聞鐫印賣

惡詩親見畫圖呈

使宅行黃回文八體詩圖兩面庚午秋使樓赴宴親見每一倒翻讀八韻

也多栽桃李期春色潤鑿池塘許月明寒益輕凋饒美

寢出乘車馬免徒行麤支菽粟防飢歉薄有梧盤備送
迎僧俗共鄰棲隱樂妻孥同愛水雲清如今便死還甘
分莫更嫌他白髮生

鏡中覽懷

一本無懷字一作覽鏡書懷

晨起梳頭忽自悲鏡中親見數莖絲從今休說龍泉劍
世上恩讐報已遲

楚國史

六國商於恨最多良弓休綰劍休磨君王不翦如簧舌
再得張儀欲柰何

張儀

荆楚南來又北歸分明舌在不應違懷王本是無心者
籠得蒼蠅却放飛

薔薇

朝露灑時如濯錦晚風飄處似遺鈿重門刺著黃金鎖

莫被飛瓊摘上天

大夫松

五樹旌封許歲寒
挽柯攀葉也無端
爭如澗底凌霜節
不受秦皇亂世一作官

號此

杏園

杏苑簫聲好醉鄉
春風嘉宴更無雙
憑誰為謔穆天子
莫把瑤池並曲江

蕉葉

綠綺新裁織女機
擺風搖日影離披
只應青帝行春罷
閒倚東牆卓翠旗

路旁草

楚甸秦原萬里平
誰教根向路傍生
輕蹄繡轂長相蹋
合是榮時不得榮

讀漢紀

布衣空手取中原
勁卒雄師不足論
楚國八千秦百萬
豁開胸臆一時吞

李夫人二首

不望金輿到錦帷
人間樂極即須悲
若言要識愁中貌
也似君恩日日衰

招得香魂爵少翁
九華燈燭曉還空
漢王

一作皇

不及吳

王樂且與西施死處同

明妃

不用牽心恨畫工
帝家無策及邊戎
香魂若得昇明月
夜夜還應照漢宮

馬嵬

二一作三

百年來事遠聞從龍誰

一作唯

解盡如雲張均兄

弟皆何在却是楊妃死報君

依韻贈南安方處士五首

七貴五侯生肯退利塵名網死當拋黔婁寂莫嚴陵卧
借問何人與結交

休把羸蹄蹋雪霜書成何處獻君王嵩山好與浮丘約
三十六峯雲外鄉

百萬僧中

一作衆

不為僧比君知道僅誰能無家寄泊南

安縣六月門前也似冰

兩鬢當春却似秋僻居誇近野僧樓落花明月皆臨水
明月不流花自流

晉楚忙忙起戰塵龔黃門外有高人一畦雲薤三株竹
席上先生未是貧

依韻荅黃校書

慈恩雁塔參差榜杏苑鶯花次第遊白日有愁猶可散

青山高卧况無愁

傷進士謝庭皓

大順中以詞賦著名與黃不相上下時號錦繡帷

獻書猶未達明君何事先遊岱岳雲惟有春風護冤魄
與生青草蓋孤墳

聞司空侍郎訃音

園綺生雖逢漢室巢由死不謁堯階
八徵不起夫君歿去何人葬合取夷齊隱處埋

偶題二首

買骨須求騏驎骨愛毛宜採鳳皇毛
駑駘燕雀堪何用

仍向人前價例

一作數

高

賦就長安振大名
斬蛇功與樂天爭
歸來延壽溪頭坐
終日無人問一聲

援

宿有喬林飲有溪
生來蹤跡遠塵泥
不知心更愁何事
每向深山夜夜啼

追和賈浪仙古鏡

誰開黃帝橋山冢明月飛光出九泉
狼藉鮮痕磨不盡
黑雲殘點汙秋天

蝴蝶三首

不並難飛靈裏蛾有花芳處定

一作即

經過天風相送輕

飄去却笑蛛蜘蛛謾織羅

冉冉雙雙拂畫欄佳人偷

一作妝

眼再三看莫欺翼短飛

長近試就花間撲

一作捉

已

一作也

難

栩栩無因繫得他野園荒徑一何多
不聞絲竹誰教舞

應仗

一作伏

流鶯為唱歌

新刺襪

素手春溪罷浣紗
巧裁明月半彎斜
齊宮合贈東昏寵
好步黃金菡萏花

寄華山司空侍郎

山掌林中第一人
鶴書時或問眠雲
莫言疎野全無事
明月清風肯放君

初夏戲題

長養薰風拂曉吹
漸開荷芰落薔薇
青蟲也學莊周夢
化作南園蛺蝶飛

御定全唐詩卷七百十一

欽定四庫全書薈要卷一萬八千一百十七

集部

御定全唐詩卷七百十二

錢珣

錢珣字瑞文吏部尚書徽之子善文詞宰相王溥薦知制誥進中書舍人後貶撫州司馬有舟中錄二十卷今編詩一卷

客舍寓懷

灑灑灘聲晚霽時客亭風袖半披垂野雲行止誰相待

明月襟懷祇自知無伴偶吟溪上路有花偷笑臘前枝
牽情景物潛惆悵忽似傷春遠別離

送王郎中

惜別遠相送却成惆悵多獨歸回首處爭那暮山何

江行無題一百首

統籤云舊作錢起詩今考詩繫遷謫塗中雜詠起無謫宦

事而珣自中書謫撫州其舟中集序云秋八月從襄陽浮江而行詩中峴山沔武昌匡廬鄱湖潯陽諸地經迹所歷一一脗合而秋半九日尤為左驗其為珣詩無疑蔡寬夫詩話云江行百首錢蒙仲得之他本因以傳世元非起集之舊宋人語更可據今與起集並存

傾酒向連漪乘流欲去時寸心同尺璧投此報馮夷

江曲全縈楚雲飛半自秦峴山回首望如別故鄉

一作闕

人

往年累登峴亭

浦煙含

一作涵

夜色

一作寒夜永

冷日轉秋旻自有沈碑在

一作

石清光不照人

楚岬雲空合楚城人不來祇今誰善舞莫恨廢章

一作陽

臺

行背青山郭吟當白露秋風流無屈宋空詠古荊州

晚來漁父喜網

一作
罾

重欲收遲恐有長江使金錢願贖

龜

去指龍沙路徒懸象闕

一作
魏

心夜涼無遠夢不為偶聞

砧

霧雲疎有葉雨浪細無花

一作
聲

穩放扁舟去江天自有

涯

一作
程

好日當

一作
長

秋半層波動旅腸已行千里外誰與共秋

光

潤色非東里官曹更

一作吏

建章宦遊難自定來喚櫂船

郎

夜江清未曉徒惜月光

一作先

沉不是因行樂堪傷老大

心

翳日多喬木維舟取束薪靜聽江叟語盡

一作俱

是厭兵

人

箭漏日初短汀煙草未

一作木

衰雨餘

一作微

雖更綠不是

採蘋時

山雨

一作水

夜來漲喜魚

一作雨

跳滿江岼沙平欲盡垂蓼

入船窗

渚邊新鴈下舟上獨淒涼俱是南來客憐君綴一行

雲密連江暗風斜著物鳴一杯真戰將笑爾作愁兵

柳拂斜開

一作陽

路籬邊數戶村可能還有意不掩向江

門

不識相如

一作桓公

渴徒吟子美詩江清惟獨看心外更

一作

有誰知

牽路沿

一作緣

江狹沙崩岬不平盡知行處險誰肯載時

輕

憔悴異靈均非讒作逐臣如逢漁父問未是獨醒人

水含秋夜靜雲帶夕陽高詩癖非吾病何妨吮短豪

帶

一作登

舟維

一作非

古岬還似阻西陵箕伯無多怒回頭

詎不能

秋雲久無雨江燕社猶飛却笑舟中客今年未得歸
帆翅初張處雲鵬怒翼同莫愁千里路自有到來風

佳節雖逢菊浮生正似一作是萍故山何處望荒岼小長

亭

月下江流靜村荒人語稀鷺鴛雖有伴仍一作乃共影雙

飛

斗轉月未落舟行夜已深有村知不遠風便數聲砧
櫂驚沙鳥迅飛濺夕陽波不顧魚多處應防一日羅
行到楚江岼蒼茫人正迷祇如秦塞遠格磔鷓鴣啼
漸覺江天遠難逢故國書可能無往事空食鼎中魚

岼草連荒色村聲樂稔年晚晴貪

一作初

獲稻閒却採菱

一作蓮船

灘淺多

一作爭

遊鷺江清易見魚怪來吟未足秋物欠紅

蕖

蛩響依沙草螢飛透水煙夜涼誰詠史空泊運租船

睡穩葉舟輕風微浪不驚人居

一作任君

蘆葦岼終夜動秋

聲

自念

一作守

平生意曾期一郡符可

一作豈

知因謫宦斑鬢

入江湖

水天涼夜月不是少

一作惜

清光好景

一作物

隨人物

一作秘

秦淮憶建康

古來多思客搖落恨江潭今日秋風至蕭疎過

一作獨

沔

南

映竹疑村好穿蘆覺渚幽漸安無曠土薑芋當農收

煙渚復煙渚畫屏休

一作還

畫屏引愁天末去數點暮山

青

秋風動客心寂寂不成吟飛上危檣立鶯啼報好音

一作

啼鳥不

知音

見底高秋水開懷萬里天旅吟還有伴沙柳數枝蟬

九日自佳節扁舟無一杯曹園舊罇酒戲馬憶高臺

兵火有餘燼貧村纔數家無人爭曉渡殘月下寒沙

渚禽菱芡足不向稻梁爭靜宿涼灣月應無失侶聲

輕雲未撲

一作護

霜樹杪橘初黃行

一作信

是知名物因風

過水香

土曠深耕少江平遠釣多平生皆棄本金草竟如何
海月非常物等閒不可尋披沙應有地淺處定無金
風晚冷颼颼蘆花已白頭舊來紅葉寺堪憶玉京秋
渺渺望天涯清漣浸赤霞難逢星漢使烏鵲日乘槎
風好來無陣雲開一作去有踪釣歌無遠近應喜罷艤
艤

吳疆連楚甸楚俗異吳鄉謾把罇中物無人啄蟹黃

一作

匡

岼綠野煙遠江紅斜照微撐開小漁艇應到月明歸

雨餘江始漲漾漾見流薪曾歎河

一作溝

中木斯言憶古

人

垂露

一作隆露

晚猶濃

一作露隆日猶紅

清

一作秋

風

一作花

不易逢涉

江雖已晚高樹寒

一作攀

芙蓉

乘

一作葉

舟維夏口煙野獨行時不見頭陀寺空懷幼婦

碑

晚泊武昌岼津亭疎柳風數株曾手植好事憶陶公

舟航依浦定星斗滿江寒若比

一作此

陰霾日何妨

一作方

夜未闌

近戍離金落孤岑望火門惟將知命意瀟灑向乾坤

叢菊生隄上此花長後時有人還採掇何必在

一作及

春

期

景夕

一作夕景

殘霞落秋寒細雨晴短纓何用濯舟在月中

行

堤

一作堤根

壞漏

一作滿

江水地均成野塘晚荷人不折留取

此一作作秋香

左一作失 宦終何路攄懷亦自寬
擘牋嘲白鷺無意喻臬

鸞

樓空人不歸雲白去時衣黃鶴無心下長應笑令威

曰帝朝驚浪陽臺暮映雲等閒生險易世路祇如君

櫓一作蘆 慢生輕浪帆虛帶白雲客船雖狹小容得瘦一作

庚將軍 晉冠軍將軍柳遐免官桓溫怪其瘦荅云不能不恨于破甑

靜看秋水風微浪漸平人間馳競處塵土自波成

風借

一作勁

帆方疾風回櫂却遲較量人世事不校一毫

釐

咫尺愁風雨匡廬不可登祇疑雲

一作香

霧窟猶有六朝

僧

江草何多思冬青尚滿洲誰能驚鵬鳥作賦為沙鷗

幸有煙波興寧辭筆硯勞緣情無怨刺却似反離騷

沙上獨行時高吟

一作吟情

到楚詞難將垂岼蓼盈

一作應

把

當江離

秋寒鷹隼健逐雀下雲空知是江湖客

一作濶

無心擊塞

鴻

幽懷念煙水長恨隔龍沙今日滕王閣分明見落霞

江流何渺渺懷古獨依依漁父非賢者蘆中但有磯

風雨正甘寢雲霓忽曉晴放歌雖

一作須

自遣一歲又崢

嶸

幽思正遲遲沙邊濯弄時自憐非博物猶未識鳧葵

曾有煙波客能歌西塞山落花惟待月一釣紫菱灣

千頃水紋細一峯嵐影孤
君山寒樹綠曾過洞庭湖
光潤重湖水低斜遠鴈行
未曾無興詠多謝沈東陽
晚菊繞江壘忽如開古屏
莫言時節過白日有餘馨

日落長亭晚山門步障青
可憐無酒分處處一作更祝有旗
亭一作星

遠岼無行樹經霜有伴一作半
紅停船搜一作披好句題葉

贈江楓

身世比行舟無風亦暫休
敢言終破浪惟願穩乘流

數畝蒼苔石煙濛鶴卵洲定因詞客遇

一作過

名字始風

流

興閑停桂楫路好過松門不負佳山水還開酒一樽
短檝休敲桂孤根自駐萍自憐非劍氣空向斗牛星
高浪如銀屋江風一發時筆端降太白才大語終奇
細竹漁家路晴陽看結罾喜來邀客坐分與折腰菱
平湖五百里江水想通波不奈扁舟去其如決計何

數逢

一作峰

雲斷處去岼映高山身到章江日應猶

一作猶應

未得閒

一灣斜照水三版順風船未敢相邀釣勞生只自憐

江雨正霏微江村晚渡稀何曾妨釣艇更待得魚歸

新野舊樓名潯陽勝賞情照人長一色江月共淒清

願飲西江水那吟北渚愁莫教留滯跡遠比蔡昭侯

湖口分江水東流獨有情常

一作當

時好風物誰伴謝

一作

爲伴宣城

潯陽江畔菊應似古來秋為問幽棲客吟時得酒不

高峯有佳號千尺倚寒風

一作松

若使爐煙在猶應為上

公

萬木已清霜江邊村事忙故溪黃稻熟一夜寢

一作甕

中

香

楚水苦縈回征帆落又開可緣非直路却有好風來
遠謫歲時宴暮江風雨寒仍愁繫舟處驚夢近長灘

春恨三首

負罪將軍在北朝秦淮芳草綠迢迢高臺愛妾魂銷盡

始得丘遲為一招

久戍臨洮報未歸
篋香銷盡別時衣
身輕願比蘭堦蝶

一作
葉 萬里還尋塞草飛

永巷頻聞小苑遊
舊恩如淚亦難收
君前願報新顏色
團扇須防白露秋

蜀國偶題

忽憶明皇西幸時
暗傷潛恨竟誰知
佩蘭應語宮臣道
莫向金盤進荔枝

未展芭蕉


冷燭無煙綠蠟乾
芳心猶卷怯春寒
一緘書劄藏何事
會被東風暗拆看

同程九早入中書

一作錢起詩

漢家賢相重英奇
蟠木何材也見知
不意雲霄能自致
空驚鷁鷺忽相隨
臘雪初明柏子殿
春光欲上萬年枝
獨慚皇鑒明如日
未厭春一作螢光向玉墀

御定全唐詩卷七百十二



總校官庶吉士臣張能照

校對官庶吉士臣翟槐

騰錄舉人臣丁兆隆